


萬首唐詩絕句

十九之廿



漢書門			
三	八	二	一
〇	三	一	二
冊	架	函	號

內閣文庫			
三	一	二	漢
九	三	三	書
函	〇	三	
一	三	三	
二	〇	三	
架	冊	號	類

內閣文庫			
番號	漢	11223	
冊數	30 (17)		
函號	319	68	



宋洪州公進萬首集卷之十五

明吳郡趙宦光先夫瑛定

堂巖黃習遠伯傳竄補

七言第九中唐六

洪州進萬首登

白居易

滿安唯我年為下醉天狂吟氣最麤莫問別來

多少苦哉亦未致白頭

初到野寺維多賀客

滿草初微為尋賦雲客來多懶起迎似挂緋衫

衣衣衣衣衣衣衣衣衣衣

卷之十五

宋洪魏公進萬首唐人絕句卷之十九

明吳郡趙宦允凡夫菜定

靈巖黃習遠伯傳竄補

七言第九 中唐六

洪州逢熊孺登

白居易

靖安院裏辛夷下，醉笑狂吟氣最癡。
莫問別來多少苦，低頭看取白髭鬚。

初著刺史緋答賀客

銀章暫假爲專城，賀客來多懶起迎。
似挂緋衫衣架上，朽株枯竹有何榮。

萬首絕句卷之十九

別艸堂三絕句

正聽山鳥向陽眠，黃紙除書落枕前。
爲感君恩須暫起，鑪峯不擬住多年。
久眠褐被爲居士，忽挂緋袍作使君。
身出艸堂心不出，廬山未要勒移文。
三間茅舍向山開，一帶山泉遶舍回。
山色泉聲莫惆悵，三年官滿卻歸來。

鐘陵餞送

翠幕紅筵高在雲，歌鐘一曲萬家聞。
路人指點滕王閣，看送忠州使君。

題峽中石上

巫女廟花紅似粉，昭君村柳翠於眉。
誠知老去風情少，見此爭無一句詩。

贈康叟

八十秦翁老不歸，南賓太守乞寒衣。
再三憐汝非他意，天寶遺民見漸稀。

木蓮樹三首

如折芙蓉投旱地，似拋芍藥挂高枝。
雲埋水隔無人識，惟有南賓太守知。
紅似燕支膩如粉，傷心好物不須臾。
山中風起

無時節明日重來得在無

已愁花落荒巖底復恨根生亂石間幾度欲移
移不得天教拋擲在深山

聽竹枝歌贈李侍御

巴童巫女竹枝歌懊惱何人怨咽多暫聽遣君
猶悵望長聞教我復如何

畫木蓮花圖寄元郎中

花房膩似紅蓮朵豔色鮮如紫牡丹惟有詩人
應解愛丹青寫出與君看

九日題塗溪

蕃艸席鋪楓葉岸竹枝歌送菊花杯明年尚作
南賓守或可重陽更一來

和萬州楊使君四首

競渡

競渡相傳爲汨羅不能止過意無他自經放逐
來顛顛能按靈均死幾多

江邊艸

聞君澤畔傷春艸憶在天門街裏時漠漠淒淒
愁滿眼就中惆悵是江籬

嘉慶李

萬首絕句八卷之十九

三

白三

東都綠李萬州栽君手分題我手開把得欲嘗
先悵望與渠同別故鄉來

白槿花

秋蕘晚英無豔色何因栽種在人家使君只別
羅敷面爭解回頭愛白花

三月三日懷微之

良時允景長虛擲壯歲風情已闌銷忽憶同爲
校書日每年共醉是今朝

和行簡望郡南山

反照前山雲樹明從君苦道似華清試聽腸斷

巴猿叫早晚驪山有此聲

類苑闕

種荔枝

紅顆真珠誠可愛白鬚太守亦何癡十年結子
知誰在自向庭中種荔枝

東樓醉

天涯淡峽無人地歲暮窮陰欲夜天不向東樓
時一醉如何擬過二三年

東樓招客夜飲

莫辭數數醉東樓除醉無因破得愁惟有綠樽
紅燭下暫時不似在忠州

醉後戲題

自知清冷似冬凌，每被人呼作律僧。
今夜酒醺羅綺暖，被君融盡玉壺冰。

竹枝詞四首

瞿塘峽口水煙低，白帝城頭月向西。
唱到竹枝聲咽處，寒猿闇鳥一時啼。
竹枝苦怨怨何人，夜靜山空歇又聞。
蠻兒巴女齊聲唱，愁殺江樓病使君。
巴東船舫上巴西，波面風生雨脚齊。
水蓼冷花紅簇簇，江籬溼葉碧萋萋。

江畔誰人唱竹枝，前聲斷咽後聲遲。
怪來調苦緣詞苦，多是通州司馬詩。

寄題楊萬州四望樓

江上新樓名四望，東西南北水茫茫。
無由得與君攜手，同凭闌干一望鄉。

答楊使君登樓見憶

中萬樓中憶故人，南州煙水北州雲。
兩州何事偏相憶，各是籠禽作使君。

題東樓前李使君所種櫻桃花

身入青雲無見日，手栽紅樹又逢春。
惟留花向

樓前看故故拋愁與後人

奉酬李相公

碧油幢下捧新詩榮賤雖殊共一悲
涕淚滿襟君莫怪甘泉待從最多時

戲贈蕭處士清禪師

三杯磊塊忘機客百衲頭陀任運僧
又有放慵巴郡守不營一事共騰騰

錢虢州以三堂絕句見寄因以本韻和之
同事空王歲月淡相思遠寄定中吟
遙知清淨中和化祇用金剛三昧心

三月三日

暮春風景初三日流世允陰半百年
欲作閑遊無好伴半江惆悵卻回船

寒食夜

四十九年身老日一百五夜月明天
抱膝思量何事在癡兒癡女喚鞦韆

類苑關

代州民問

龍昌寺底開山路巴子臺前種柳林
官職家鄉都忘卻誰人會得使君心

答州民

萬首絕句卷之十九

宦情抖擻隨塵去。鄉思銷磨逐日無。惟擬騰騰
作閑事。遮渠不道使君愚。

荔枝樓對酒

荔枝新熟雞冠色。燒酒初開琥珀香。欲摘一枝
傾一盞。西樓無客共誰嘗。

醉後贈人

香毬趁拍回環匝。花醖拋巡取次飛。自入春來
未同醉。那能夜去獨先歸。

別種東坡花樹二首

二年留滯在江城。艸樹禽魚盡有情。何處殷勤

重回首。東坡桃李種新成。

類苑

花林好住莫顛顛。春至但知依舊春。樓上明年
新太守。不妨還是愛花人。

類苑

別橋上竹

穿橋迸竹不依行。恐礙行人被損傷。我去自慙
遺愛少。不教君得似甘棠。

商山路驛桐樹

昔與微之前
後題名處

與君前後多遷謫。五度經過此路隅。笑問中庭
老桐樹。這回歸去免來無。

殘春曲

萬首絕句

卷之十九

七

自皇

高言絕句
禁苑殘鶯三四聲。景遲風慢暮春情。日西無事
牆陰下。閑踏宮花獨自吟。

長安春

青門柳枝軟無力。東風吹作黃金色。街東酒薄
醉易醒。滿眼春愁銷不得。

長樂坡

行人南北分征路。流水東西接御溝。終日坡前
恨離別。湯名長樂是長愁。

獨眠吟

夜長無睡起階前。寥落星河欲曉天。十五年來

明月夜。何曾一夜不孤眠。

類苑闕

期不至

紅燭青尊延久佇。出門入門天欲曙。星稀月落
竟不來。煙柳朧朧鵲飛去。

長洲苑

春入長洲艸又生。鷓鴣飛起少人行。年深不辨
娃宮處。夜夜蘇臺空月明。

類苑闕

憶江柳

曾栽楊柳江南岸。一別江南兩度春。遙憶青青
江岸上。不知攀折是何人。

三年別

悠悠一別已三年相望相思明月天腸斷青山望明月別來三十六回圓

傷春詞

淡淡簷花千萬枝碧紗窗外轉黃鸝殘妝含淚下簾坐盡日傷春春不知

後宮詞二首

淚溼羅巾寤不成夜淡前殿按歌聲紅顏未老恩先斷斜倚薰籠坐到明溼一作盡雨露由來一點恩爭能遍布及千門三千宮女

臙脂面幾箇春來無淚痕

吳七郎中山人待制班中偶贈

金馬東門隻日開漢庭待詔重僊才第三松樹非華表那得遼東鶴下來

寄題忠州小樓桃花

再遊巫峽知何日總是秦人說向誰長憶小樓風月夜紅闌干上兩三枝

朝回和无少尹二首

朝客朝回回望好盡紆朱紫佩金銀此時獨與君為伴馬上青袍惟兩人

鳳閣舍人京亞尹白頭俱未着緋衫南宮起請
無消息朝散何時得入銜

醉後

酒後高歌且放狂門前閑事莫思量猶嫌小戶
長先醒不得多時住醉鄉

紫薇花

絲綸閣下文章靜鐘鼓樓中刻漏長獨坐黃昏
誰是伴紫薇花對紫薇郎

馮閣老處見與嚴郎中唱和詩因戲贈

乍來天上宜清淨不用回頭望故山縱有舊遊

君莫憶塵心起即墮人間

立秋日登樂遊園

獨行獨語曲江頭回馬遲遲上樂遊蕭颯涼風
與衰鬢誰教計會一時秋

夜箏

紫袖紅弦明月中自彈自感闌低容弦變指咽
聲停處別有淡情一萬重

舊房

遠壁秋聲蟲絡絲入簷新影月低眉牀帷半故
簾旌斷仍是初寒欲夜時

自問

黑花滿眼絲滿頭。早衰因病病因愁。宦途氣味
已諳盡。五十不休何日休。

和韓侍郎題揚舍人林池見寄

渠水暗流春凍解。風吹日炙不成凝。鳳池冷暖
君諳否。二月因何更有冰。

送馮舍人閣老往襄陽

紫微閣底送君回。第一廳簾下不開。莫戀漢南
風景好。峴山花盡早歸來。

酬韓侍郎張博士雨後遊曲江見寄

小園新種紅櫻樹。閒遶花行便當遊。何必更隨
鞍馬隊。衝泥踏雨曲江頭。

曲江憶李十一

李君歿後共誰遊。柳岸荷亭兩度秋。獨遶曲江
行一市。依前還立水邊愁。

青門柳

青青一樹傷心色。曾入幾人離恨中。爲近都門
多送別。長條折盡減春風。

梨園弟子

白頭垂淚語梨園。五十年前雨露恩。莫問華清

今日事滿山紅葉鎖宮門

暮江吟

一道殘陽鋪水中半江瑟瑟半江紅誰憐九月
初三夜露似真珠月似弓

思婦眉

春風搖蕩自東來折盡櫻桃綻盡梅惟餘思嬾
愁眉結無限春風吹不開

寒閨怨

寒月沈沈洞房靜真珠簾外梧桐影秋霜欲下
手先知鐙底裁縫剪刀冷

類苑關

秋房夜

雲露青天月漏光中庭立久卻歸房水窗席冷
未能臥挑盡殘鐙秋夜長

采蓮曲

菱葉縈波荷颭水荷花深處小船通逢郎欲語
低頭笑碧玉搔頭落水中

鄰女

娉婷十五勝天僊白日常娥旱地蓮何處閑教
鸚鵡語碧紗窻下繡牀前

閨婦

水本集作凡

斜凭繡牀愁不動紅綃帶緩綠鬟低遼陽春盡
無銷息夜合花前日又西

移牡丹栽

金錢買得牡丹栽何處辭叢別主來紅芳堪惜
還堪恨百處移將百處開

聽夜箏有感

江州去日聽箏夜白髮新生不願聞如今況是
頭成雪彈到天明亦任君

琵琶

弦清撥刺語錚錚背卻殘燈就月明賴是心無

惆悵事不然爭柰子弦聲

和人琴思

秋水蓮冠春艸裙依稀風調似文君煩君玉指
分明語知是琴心佯不聞

聽彈湘妃怨

玉軫朱弦瑟瑟微吳娃徵調奏湘妃分明曲裏
愁雲雨似道蕭郎久不歸

寓言題僧

劫風火起燒荒宅苦海波生蕩破船力小無因
救焚溺清涼山下且安禪

內鄉縣村路作

日下風高野路涼，緩驅疲馬闡思鄉。
渭村秋物應如此，棗赤梨紅稻穗黃。

虛白堂

虛白堂前衙退後，更無一事到中心。
移牀就日檐間臥，臥詠閑詩側枕琴。

題靈隱寺紅辛夷花戲酬先上人

紫粉筆含尖火燄，紅燕脂染小蓮花。
芳情香思知多少，惱得山僧悔出家。

候山亭同諸客醉

謝安山下空攜妓，柳惲洲邊只賦詩。
不及湖亭今日醉，嘲花詠水贈蛾眉。

送李校書赴寒食歸義興山居

大見騰騰詩酒客，不憂生計似君稀。
到舍將何作寒食，滿船惟載樹陰歸。

獨行

暗誦黃庭經在口，閑攜青竹杖隨身。
晚花新筍堪為伴，獨入林行不要人。

戲題木蘭花

紫房日照燕脂折，素豔風吹膩粉開。
怪得獨饒

萬首絕句卷之十九
脂粉態木蘭曾作女郎來

湖中自照

重重照影看容鬢不見朱顏見白絲失卻少年
無覓處泥他湖水欲何爲

木芙蓉花下招客飲

晚涼思飲兩三杯召得江頭酒客來莫怕秋無
伴醉物水蓮花盡木蓮開

重訓周判官

秋愛吟詩春愛醉詩家眷屬酒家僊若教早被
浮名繫可得閑遊三十年

代賣薪女贈諸妓

亂蓬爲鬢布爲裙曉踏寒山自負薪一棹錢塘
江畔女著紅騎馬是何人

遊恩德寺

雪水埋藏恩德寺簪裾束縛使君身暫來不宿
歸州去應被山呼作俗人

題清頭陀

頭陀獨宿寺西峰百尺禪菴半夜鐘煙月蒼蒼
風瑟瑟更無禱事對山松

自歎二首

萬首絕句卷之十九

形羸自覺朝餐減睡少偏知夜漏長
實事漸銷虛事在銀魚金帶遶腰充
二毛曉落梳頭懶兩眼春昏點藥顛
惟有閑行猶得在心情未到不如人

贈內

漠漠閨苔新雨地微微涼露欲秋天
莫對月明思往事損君顏色減君年

戲荅思黯

狂夫與我世相忘故態些些亦不妨
縱酒放歌聊自樂接輿爭解教人狂

醉後聽唱桂華曲

桂華詞意苦丁寧唱到常娥醉便醒
此是世間腸斷曲莫教不得意人聽

荅閑上人問風疾

一床方丈向陽開勞動文殊問疾來
欲界凡夫何足道四禪天始免風災

罷灸

病身佛說將何喻變滅須臾豈不聞
莫遣淨名和我笑休將火艾灸浮雲

強起迎春

萬首絕句

卷之十九

十一

三五五

杖策入扶廢病身晴和強起一迎春他時蹇跛
縱行得笑殺平原樓上人

夜涼

露白風清庭戶涼老人先著夾衣裳舞腰歌袖
拋何處唯對無絃琴一張

寄潮州楊繼之

相府潮陽俱夢中夢中何者在窮通他時事過
方應悟不獨榮空辱亦空

贈思黯

爲憐清淺愛潺湲一日三迴到水邊若道歸仁

灘更好主人何故別三年

離別雜詞

綠楊陌上送行人馬去車回一望塵不覺別時
紅淚盡歸來無可更沾巾

竹樓宿

小書樓下千竿竹淡火鑪前一盃鐙此處與誰
相伴宿燒丹道士坐禪僧

戲醉客

莫言魯國書生懦莫把杭州刺史欺醉客請君
閑眼望綠楊風下有紅旗

紫陽花

何年植向僊壇上。早晚移栽到梵家。雖在人間人不識。與君名作紫陽花。

吳宮詞

淡紅花。軟淺檀蛾。睡臉初開似翦波。坐對朱籠閑理曲。琵琶鸚鵡語相和。類苑闕

答微之上船後留別

燭下尊前一分手。舟中岸上兩回頭。歸來虛白堂中寢。合眼先應到越州。

答微之泊西陵見寄

煙波盡處一點白。應是西陵古驛臺。知在臺邊望不見。暮潮空送渡船回。

自感

宴遊寢食漸無味。杯酒管弦徒繞身。賓客歡娛童僕飽。始知官職為他人。

柳絮

三月盡時頭白日。與春老別更依依。憑鶯為向揚花道。絆惹春風莫放歸。

醉戲諸妓

席上爭飛使君酒。歌中多唱舍人詩。不知明日

萬首系合卷之十九
休官後逐我東山去是誰

潮

早潮纔落晚潮來一月周流六十回不獨光陰
朝復暮杭州老去被潮催

聞歌妓唱嚴郎中詩嚴前為郡守

已留舊政布中和又付新詞與豔歌但是人家
有遺愛就中蘇小感恩多

急樂世詞

正抽碧線繡紅羅忽聽黃鶯斂翠娥秋思冬愁
春悵望大都不稱意時多

重寄別微之

憑仗江波寄一詞不須惆悵報微之猶勝往歲
峽中別灑灑瀕堆邊招手時

別周軍事

主人頭白官仍冷去後憐君是底人試謁會稽
元相去不妨相見卻殷勤

看常州柘枝贈賈使君

莫惜新衣舞柘枝也從塵汚汗霑垂料君即卸
歸朝去不見銀泥衫故時

河陰夜泊憶微之

憶君我正泊行舟望我君應上郡樓萬里月明
同此夜黃河東面海西頭

杭州回舫

自別錢塘山水後不多飲酒懶吟詩欲將此意
憑回棹與報西湖風月知

愛詠詩

詞章諷詠成千首心行歸依向一乘坐倚繩牀
閑自念前生應是一詩僧

臥疾

閑官臥疾絕經過居處蕭條近洛河水北水南

秋月夜管弦聲少杵聲多

酬楊八

君以曠懷宜靜境我因蹇步稱閑官閉門足病
非高士勞作雲心鶴眼看

寢行簡

天氣妍和水色鮮閑吟獨步小橋邊池塘艸綠
無佳句虛臥春窻寢阿憐類苑闕

雲和

非琴非瑟亦非箏撥柱推弦調未成欲散白頭
千萬恨只銷紅袖兩三聲

春老

欲隨年少強遊春，自覺風光不屬身。
歌舞屏風花障上，幾時曾畫白頭人。

春雪過皇甫家

晚來藍輦雪中回，喜遇君家門正開。
惟要主人青眼待，琴詩談笑自將來。

崔侍御以孩生三日以詩見示因和之

洞房門上掛桑弧，香水盆中浴鳳雛。
還似初三生日鬼，嫦娥滿月即成珠。

愛惜宵將同寶玉，喜歡應勝得公侯。
弄璋詩句

多才思，愁殺無兒老鄧攸。

晚春寄微之并崔湖州

洛陽陌上少交親，履道城邊欲暮春。
崔在吳興无在越，出門騎馬覓何人。

東城桂三首

子墮本從天竺寺，根槃今在監廬城。
當時應逐南風落，落向人間取次生。

雪霰歷多雖不死，荆榛長疾欲相埋。
長憂落在

樵人手，賣作蘇州一束柴。

遙知天上桂華孤，試問嫦娥更要無。
月宮幸有

高齋集卷之十九
閑田地何不中央種兩株已上二首
類苑闕

新栽梅

池邊新種七株梅欲到花時點檢來莫怕長洲
桃李妒今年好為使君開

戲和賈常州醉中二絕句

聞道毗陵詩酒興近來積漸學姑蘇
從偷去刮骨清吟得似無

越調管吹留客曲吳吟詩送暖寒
風流事好遣孫心暫學來

清明夜

好風隴月清明夜碧砌紅軒刺史家
獨遶回廊行復歇遙聽弦管暗看花

三月二十八日贈周判官

一春惆悵殘三日醉問周郎憶得無
柳絮送人鶯勸酒去年今日別東都

酬別周從事二首

腰痛拜迎人客倦眼昏勾押簿書難
辭官歸去緣衰病莫作陶潛范蠡看

洛下田園久拋擲吳中歌酒莫留連
高陽雲樹伊川月已按歸遲四五年

萬首絕句卷之十九

見小姪龜兒誦鐙詩并臘娘製衣因寄行

簡

已知臘子能裁服復報龜兒解誦鐙巧婦才人
常薄命莫教男女苦多能類苑

寫新詩寄微之偶題卷後

寫了吟看滿卷愁淺紅牋紙小銀鈎未容寄與
微之去已被人傳到越州

實曆二年八月三十日夜寢後作

塵纓忽解誠堪喜世網重來未可知莫忘全吳
館中寢嶺南泥雨步行時

與寢得同登栖霞塔

半月悠悠在廣陵何樓何塔不同登共憐筋力
猶堪在上到栖霞第九層類苑

寢蘇州水閣寄馮侍御

揚州驛裏寢蘇州寢到花橋水閣頭覺後不知
馮御史此中昨夜共誰遊

答次休上人

姓由使君無麗句名休座主有新文禪心不合
生分別莫愛餘霞嫌碧雲

祕省後廳

槐花雨潤新秋地，桐葉風翻欲夜天。盡日後廳無一事，白頭老監枕前眠。

登觀音臺望城

百千家似圍棋局，十二街如種菜畦。遙認微微入朝火，一條星宿五門西。

登靈應臺北望

臨高始見人寰小，對遠方知色界空。回首卻歸朝市去，一稊米落太倉中。

閑出

兀兀出門何處去，新昌街晚樹陰斜。馬蹄知意

緣行熟，不向楊家即庾家。

奉使途中戲贈張常侍

早風吹土滿長衢，驛騎星軺盡疾驅。共笑籃輿亦稱使，日馳一驛向東都。

種白蓮

吳中白藕洛中栽，莫戀江南花懶開。萬里攜歸爾知否，紅蕉朱槿不將來。

和劉郎中傷鄂姬

不獨君嗟我亦嗟，西風北雪殺南花。不知月夜竟歸處，鸚鵡洲頭第幾家。

雪中寄令狐相公兼呈寢得

兔園春雪梁王會。想對金罍訕玉塵。今日相如身在此。不知客右坐何人。

和劉郎中鶴歎二首

辭鄉遠隔華亭水。逐我來栖緱嶺雲。慙愧稻粱長不飽。未曾回眼向雞群。
荒艸院中池水畔。銜恩不去又經春。見君驚喜雙回顧。應爲吟聲侶主人。

宿竇使君莊水亭

使君何在在江東。池柳初黃杏欲紅。有興卽來

閑便宿。不知誰是主人翁。

龍門下作

龍門澗下濯塵纓。擬作閑人過此生。筋力不將諸處用。登山臨水詠詩行。

類苑闕

姚侍御見過戲贈

曉起春寒慵裹頭。客來池上偶同遊。東臺御史多提舉。莫按金章繫布裘。

和錢華州題少華清光

高情雅韻三峰守。主領清光管白雲。自笑亦曾爲刺史。蘇州肥膩不如君。

送陝府王大夫

金馬門前回劍佩，鐵牛城下擁旌旗。他時萬一為交代，留取甘棠三兩株。

代迎春花招劉郎中

幸與松筠相近栽，不隨桃李一時開。杏園豈設妨君去，未有花時且看來。

翫迎春花贈楊郎中

金英翠萼帶春寒，黃色花中有幾般。憑君語向遊人道，莫作蔓菁花眼看。

座上贈盧判官

把酒取花花落顛，花香酒味相和春。莫言不是江南會，虛白亭中舊主人。

曲江有感

曲江西畔有春風，萬樹花前。老翁遇酒逢花還且醉，莫論惆悵事何窮。

杏園花下贈劉郎中

怪君把酒偏惆悵，曾是貞元花下人。自別花來多少事，東風二十四回春。

伊州

老去將何散老愁，新教小玉唱伊州。亦應不得

多年聽未教成時已白頭

酬嚴給事玉藻花

羸女偷乘鳳下時洞中潛歇弄瓊枝不緣啼鳥
春饒舌青瑣僊郎可得知

京路

西來為看秦山雪東去緣尋洛苑春來去騰騰
兩京路閑行除我更無人

華州西

每逢人靜慵多歇不計程行困即眠不得藍輦
未能去春風敷水店門前

送春

銀花鑿落從君勸金屑琵琶為我彈不獨送春
兼送老更嘗一酌更聽看

春詞

低花樹映小妝樓春入眉心兩點愁斜依闌干
背鸚鵡思量何事不回頭

花酒

香醅淺酌浮如蟻雲鬢新梳薄似蟬為報洛城
花酒道莫辭送老二三年

楊家南亭

小亭門外月斜開。滿地涼風滿地苔。北院好彈秋思處。終須一夜抱琴來。

廣府胡尚書類寄詩因答

尚書清白臨南海。雖飲貪泉心不回。惟向詩中得珠玉。時時寄到帝鄉來。

讀鄂公傳

高臥淡居不見人。功名抖擻似灰塵。惟留一部清商樂。月下風前伴老身。

冬夜聞蟲

蟲聲冬思苦於秋。不解愁人聞亦愁。我是老翁

聽不畏少年莫聽白君頭

類苑

聽田順兒歌

憂玉敲冰聲未停。嫌雲不遏入青冥。爭得黃金滿衫袖。一時拋與斷多情。

聽曹剛琵琶兼示重蓮

撥撥弦弦意不同。胡啼番語兩玲瓏。誰能截得曹剛手。插向重蓮衣袖中。

對酒五首

巧拙賢愚相是非。何如一醉盡忘機。君知天地中寬窄。鵬鸞鸞鳳各自飛。

蝸牛角上爭何事石火光中寄此身隨富隨貧
且歡樂不開口笑是癡人
丹砂見火去無跡白髮泥人來不休賴有酒僊
相暖熱松喬醉卽到前頭
百歲無多時壯健一春能幾日晴明相逢且莫
推辭醉聽唱陽關第四聲
人之
句
昨日低眉問疾來今朝收淚弔人回眼前流例
君看取且遣琵琶送一杯

僧院花

君未見清泉白石在曾中

答蘇六

但喜暑隨三伏去不知秋送二毛來更無別計
相寬慰故遣陽關勸一杯

秋遊

下馬閑行伊水頭涼風清景勝春遊何事古今
詩句裏不多說著洛陽秋

期宿客不至

風飄雨灑簾幃故竹映松遮燈火淡宿客不來
嫌冷落一樽酒對一張琴

問移竹

問君移竹意如何。切勿排行但間窠。多種少栽
有意大都少。技不如多。

重陽席上賦白菊

花菊鬱金黃。中有孤叢色似霜。還似今朝
歌酒席。白頭翁入少年場。

宋洪魏公進萬首唐人絕句卷之十九

宋洪魏公進萬首唐人絕句卷之二十

明吳郡趙宦先凡夫菜定

靈巖黃習遠伯傳竄補

七言第十 中唐七

寄兩銀榼與裴侍郎因題 白居易

貧無好物堪為信。雙榼雖輕意不輕。願奉謝公
池上酌。丹心綠酒一時傾。

慣和麴蘖堪盛否。重用鹽梅試酒看。小器不知
容幾許。襄陽米賤酒升寬。

小橋柳

萬首絕句 卷之二十

細水涓涓似淚流日西惆悵小橋頭
衰場葉盡空枝在猶被霜風吹不休

哭微之二首

八月涼風吹白幕寢門廊下哭微之
妻孥朋友來相弔惟道皇天無所知

類苑闕

文章卓犖生無敵風骨英靈沒有神
哭送咸陽北原上可能隨例作灰塵

類苑闕

任老

不愁陌上春光盡亦任庭前日影斜
面黑眼昏頭雪白老應無可更增加

類苑闕

勸歡

火急歡娛切勿遲眼看老病悔難追
樽前花下歌筵裏會有求來不得時

晚歸府

晚從履道來歸府街路雖長尹不嫌
馬上涼於牀上坐綠槐風透紫蕉衫

宿龍潭寺

夜上九潭誰是伴雲隨飛蓋月隨杯
明年尚作三川守此地兼將歌舞來

類苑闕

過溫尚書舊莊

白石清泉拋濟口，碧幢紅旆照河陽。村人都不知時事，猶自呼為處士莊。類苑關

贈神照上人

心如定水隨形應，口似懸河逐病治。曾向眾中先禮拜，西方去日莫相遺。

自遠禪師

自出家來長自在，緣身一衲一繩牀。令人見即心無事，每一相逢是道場。

宗實上人

實樊司空子，捨官位妻子出家。

榮華恩愛棄成唾，戒定真如和作香。今古雖殊

同一法，瞿曇拋卻轉輪王。

類苑關

清閑上人

梓潼眷屬何年別，長壽壇場近日開。應是蜀人皆度了，濃輪移向洛中來。

彈秋思

信意閑彈秋思時，調清聲直韻疎遲。近來漸喜無人聽，琴格高低心自知。

春風

春風先發苑中梅，櫻杏桃李次第開。薺花榆莢深村裏，亦道春風為我來。

洛陽春

洛陽陌上春長在。昔別今來二十年。惟覓少年
心不得。其餘萬事盡依然。類苑闕

早出晚歸

早起或因攜酒出。晚歸多是看花回。若拋風景
長閑坐。自問東京作底來。

魏王隄

花寒懶發鳥慵啼。信馬閑行到日西。何處未春
先有思。柳條無力魏王隄。

勸行樂

少年信美何曾久。春日雖遲不再中。歡笑勝愁
歌勝哭。請君莫道等頭空。

老慵

豈是交親向我疎。老慵自愛閉門居。近來漸喜
知聞斷。免惱嵇康索報書。

夜調琴憶崔少卿

今夜調琴忽有情。欲憚惆悵憶崔卿。何人解愛
中徽上。秋思頭邊八九聲。

王子晉廟

子晉廟前山月明。人聞往往夜吹笙。鸞吟鳳唱

真首緒句 卷之二
聽無拍多似霓裳散序聲

晚出尋人不遇

籃輦不乘乘晚涼相尋不遇亦無妨
輕衣穩馬槐陰下自要閑行一兩坊

舟中夜坐

潭邊霽後多清景橋下涼來足好風
秋鶴一隻船一隻夜淡相伴月明中

題西亭

多見朱門富貴人林園未畢卽無身
我今幸作西亭主已見池塘五度春

觀遊魚

遶池閑步看魚遊正值兒童弄釣舟
一種愛魚心各異我來施食爾垂鈎

看采蓮

小桃閑上小蓮船半采紅蓮半白蓮
不似江南惡風浪芙蓉池在臥牀前

看采菱

菱池如鏡淨無波白點花稀青角多
時唱一聲新水調謾人道是采菱歌

天老

高僧絕句

卷之二

五

白五

早世身如風裏燭暮年髮似鏡中絲誰人斷得
人間事少天堪傷老又悲

秋池

洒浪清風透水霜水邊閑坐一繩牀眼塵心垢
見皆盡不是秋池是道場

新雪二首

不思北省煙霄地不憶南宮風月天惟憶靜恭
揚閣老小園新雪暖鑪前

不思朱雀街東鼓不憶青龍寺後鐘惟憶夜淡
新雪後新昌臺上七株松

和微之任校書郎日過三鄉

三鄉過日君年幾今日君年五十餘不獨年催
身亦變校書郎變作尚書

和微之十七與君別及朧月花枝之詠

別時十七今頭白惱亂君心三十年垂老休吟
花月句恐君更結後身緣

疑寢二首

莫驚寵辱虛憂喜莫計恩讎浪苦辛黃帝孔丘
無處問安知不是寢中身

鹿疑鄭相終難辯蝶化莊生詎可知假使如今

不是寢能長於寢幾多時

除夜

病眼少眠非守歲老心多感又臨春
火銷鐙盡天明後便是平頭六十人

府西池

柳無氣力枝先動池有波文冰盡開
今日不知誰計會春風春水一時來

府酒五首

變法

自慚到府來周歲惠愛威稜一事無
惟是改張

官酒法漸從濁水作醍醐

招客

日午微風且暮寒春風冷峭雪乾殘
碧氈帳下紅鑪畔試為來嘗一盃看

辯味

甘露大甜非正味醴泉雖潔不芳馨
杯中此物何人別柔旨之中有典刑

自勸

憶昔羈貧應舉年脫衣典酒曲江邊
十千一斗猶賒飲何況官供不著錢

諭妓

燭淚夜粘桃葉袖。酒痕香污石榴裙。莫辭辛苦
供歡宴。老後思量悔殺君。

履道居三首

莫嫌地窄林亭小。莫厭家貧活計微。大有高門
鎖寬宅。主人到老不曾歸。
東里素幃猶未徹。南鄰丹旆又新懸。衡門蝸舍
自慚愧。收得身來已五年。
世事平分衆所知。何嘗苦樂不相隨。惟餘耽酒
狂歌客。只有樂時無苦時。

戲招諸客

黃醅綠醕迎冬熟。絳帳紅鑪逐夜開。誰道洛中
多逸客。不將書喚不曾來。

將歸

欲去公門返野扉。預思泉竹已依依。更憐家醞
迎春熟。一瓮醞醕待我歸。
類苑

睡覺

官初罷後歸來夜。天欲明前睡覺時。起坐思量
更無事。身心安樂復誰知。

感舊詩卷

夜溪吟罷一長吁。老淚燈前濕白鬚。二十年前
舊詩卷十人酬和九人無。

涼風歎

昨夜涼風又颯然。螢飄葉墜臥牀前。逢秋莫歎
須知分已過潘安三十年。

送考功崔郎中赴闕

稱意新官又少年。秋涼身健好朝天。青雲上了
無多路。卻要徐驅穩着鞭。

聞歌者唱微之詩

新詩絕筆聲名歇。舊卷生塵篋。深時向歌中

聞一句。未容傾耳已傷心。

衰荷

白露凋花花不殘。涼風吹葉葉初乾。無人解愛
蕭條境。更遶枯藜一市看。

池上送考功崔郎中兼別房賓二妓

文昌列宿徵還日。洛浦行雲放散時。鵝鷺上天
花逐水。無由再會自家池。

自問

依仁臺廢悲風晚。履信池荒宿艸春。自問老身
騎馬出洛陽。城裏覓何人。

秋夜聽高調涼州

樓上金風聲漸緊
月中銀字韻初調
促張弦柱吹高管
一曲涼州入沈寥

香山寺二首

空門宋靜老夫閑
伴鳥隨雲往復還
家醞滿瓶書滿架
半移生計入香山
愛風巖上攀松蓋
戀月潭邊坐石椽
且共雲泉結緣境
他生當作此山僧

負春

病來道士教調氣
老去山僧勸坐禪
辜負春風

楊柳曲去年斷酒到今年

春池上戲贈李郎中

滿池春水何人愛
惟我回看指示君
直似按藍新汁色
與君南宅染羅裙

木蘭花

膩如玉指塗朱粉
光似金刀翦紫霞
從此時時春寢裏
應添一樹女郎花

楊柳枝詞八首

六么水調家家唱
白雪梅花處處吹
古歌舊曲君休聽
聽取新翻楊柳枝

陶令門前四五樹。亞夫營裏百千條。何似東都正二月。黃金枝映洛陽橋。

依依嫋嫋復青青。勾引清風無限情。白雪繁空撲地。綠絲條弱不勝鶯。

紅板江橋青酒旗。館娃宮暖日斜時。可憐雨歇東風定。萬樹千條各自垂。

蘇州楊柳任君誇。更有錢塘勝館娃。若解多情尋小小。綠楊深處是蘇家。

蘇家小女舊知名。楊柳風前別有情。剝條槃作銀環樣。卷葉吹為玉笛聲。

葉含濃露如啼眼。枝嫋輕風似舞腰。小樹不禁攀折苦。乞君留取兩三條。

人言柳葉似愁眉。更有愁腸似柳絲。柳絲挽斷腸牽斷。彼此應無續得期。

浪淘沙詞六首

一泊沙來一泊去。一重浪減一重生。相攪相淘無歇日。會教山海一時平。

白浪茫茫與海連。平沙浩浩四無邊。暮去朝來淘不住。遂令東海變桑田。

青州湖中萬里程。黃梅雨裏一人行。愁見灘頭

萬首詩集卷之二十一 十一 六六

夜泊處風翻暗浪打船聲

借問江湖與海水何似君情與妾心相恨不如

潮有信相思始覺海非深

海底飛塵終有日山頭化石豈無時誰道小郎

拋小婦船頭一去沒回期

隨波逐浪到天涯遷客生還有幾家卻到帝鄉

重富貴請君莫忘浪淘沙

問鶴

鳥為爭食鵲爭窠獨立池邊風雪多盡日踏冰

翹一足不鳴不動意如何

代鶴答

鷹爪攫雞雞肋折鶻拳蹙雁雁頭垂何如斂翅

水邊立飛上雲松棲穩枝

少年問

少年怪我問如何何事朝朝醉復歌號作樂天

應不錯憂愁時少樂時多

問少年

千首詩堆青玉案十分酒瀉白金盃回頭卻問

諸年少作箇狂夫得了無

代林園戲贈二首

萬首詩集卷之二十一 十一 六六

南院今秋遊宴少西坊近日往來類假如宰相

池亭好作客何如作主人補

集賢池館從他盛履道林亭勿自輕往往歸來

嫌窄小年年為主莫無情補

戲答林園

裴侍中新修集賢宅成池館甚盛數往遊宴醉歸自戲耳

豈獨西坊來往類偷閑處處作遊人衡門雖是

棲遲地不可終朝鎖老身

小水低亭自可親大池高館不關身林園莫妒

裴家好憎故憐新豈是人

早秋登天宮寺閣贈諸客

天宮閣上醉蕭辰絲管閑聽酒慢巡為向涼風

清景道今朝屬我兩三人

醉遊泉

狂歌箕踞酒樽前眼不看人面向天洛客最閑

惟有我一年四度到平泉

集賢池答侍中問

主人晚入皇城宿問客徘徊何所須池月幸閑

無用處今宵能借客遊無類苑

和同州楊侍郎誇柘枝見寄

細吟馮翊使君詩憶作餘杭太守時君有一般

輸我事，柘枝看技十年遲。

冬日平泉路晚歸

山路難行日易斜，煙村霜樹欲栖鴉。
夜歸不到應閑事，熱飲三杯即是家。

利仁北街作

艸色斑斑春雨晴，利仁坊北面西行。
踟躕立馬緣何事，認得張家歌吹聲。

洛陽堰閑行

洛陽堰上新晴日，長夏門前欲暮春。
遇酒即沽逢樹歇，七年此地作閑人。

過永寧

村杏野桃繁似雪，行人不醉為誰開。
賴逢山縣盧明府，引我花前勸一杯。

羅敷水

野店東頭花落處，一條流水號羅敷。
芳魂豔骨知何在，春艸茫茫墓亦無。

龍門送別皇甫澤州赴任韋山人南遊

隼旗歸洛知何日，鶴駕還嵩莫過春。
惆悵香山雲水冷，明朝便是獨遊人。

寄揚六侍郎

西戶最榮君好去左憑雖穩我慵來秋風一筋
鱸魚鱠張翰搖頭喚不回

卽事

重裘暖帽寬氈履小閣低窗淡地鑪身穩心安
眠未起西京朝士得知無

家園三首

滄浪峽水子陵灘路遠江深欲去難何似家池
通小院臥房階下插魚竿

籬下先生時得醉甕間吏部暫偷眠何如家醞
雙魚榼雪夜花時長在前

鴛鴦怕捉竟難親鸚鵡雖籠不著人何似家禽
雙白鶴閑行一步亦隨身

惜園花

曉來紅蕖彫零盡始見空枝四五株前日狂風
昨夜雨殘芳更合得存無

樟亭雙櫻

南館西軒兩樹櫻春條長足夏陰成素華朱實
今雖盡碧葉風來別有情

問楊瓊

古人唱歌兼唱情今日唱歌惟唱聲欲說向君

君不會試將此語問揚瓊

和部使君題枸杞

山陽太守政嚴明。吏靜人安無犬驚。不知靈藥
根成狗。怪得時聞吠夜聲。

元相國禎輓歌詞四首

銘旌官重威儀盛。騎吹聲餘鹵簿長。後魏帝孫

唐宰相。六季七月葬咸陽。

墓門已閉笳簫去。惟有夫人哭不休。蒼蒼露草

咸陽隴。此是千秋第一秋。

送葬萬人皆慘澹。反虞駟馬亦悲鳴。琴書劍佩

誰收拾。三歲遺孤新學行。

相看掩淚俱無語。別有傷心事豈知。想得咸陽
原上樹。已抽三丈白楊枝。

病免後喜除賓客

臥在漳濱滿十旬。起爲商皓伴三人。從今且莫
嫌身病。不病何由索得身。

歎病鶴

右翅低垂左脛傷。可憐風兒甚昂藏。亦知白日
青天好。未要高飛且養瘡。

醉中重留夢得

劉郎劉郎莫先起蘇臺蘇臺隔雲水酒醜來從
一百分馬頭去便三千里

送崔駙馬赴兗州

戚里誇爲賢駙馬儒家認作好詩人魯侯不得
辜風景沂水季季有暮春

送僧遊江南

忽辭洛下緣何事擬向江南住幾時每過石頭
應問法無妨菩薩是船師

往季喪白馬題詩廳壁感懷

路傍瘦骨蒿艸合壁上題詩塵蘚生馬死七季

猶悵望自知無乃太多情

二月二日

二月二日新雨晴艸芽菜甲一時生輕衫細馬
春季少十字津頭一字行

裴令公席上贈別寤得

年老官高多別離轉難相見轉難思雪銷酒盡
梁王起便是鄰依分散時類苑闕

尋春題諸家園林

貌隨年老欲何如興遇春牽尚有餘遙見人家
花便入不論貴賤與親疎

萬首絕句六卷之二十一

十一

泉

笑春風兼贈李二十侍郎二首

樹根雪盡催花發，池岸冰銷放艸生。惟有鬢霜依舊白，春風於我獨無情。
道場齋戒今初畢，酒伴歡娛久不同。不把一盃來勸我，無情亦得似春風。

奉和令公綠野堂種花

綠野堂開占物華，路人指道令公家。令公桃李滿天下，何用堂前更種花。

寄明州于駙馬使君三首

有花有酒有笙歌，其柰難逢親故何。近海饒風

春足雨，白鬚太守悶時多

平陽音樂隨都尉，留滯三年在浙東。吳越聲邪無灋用，莫教偷入管弦中。

何郎小妓歌喉好，嚴老呼爲一串珠。海味腥鹹損聲氣，聽看猶得斷腸無。

雨中聽琴彈別鶴操

雙鶴分離一何苦，連陰雨夜不堪聞。莫教遷客孀妻聽，嗟歎悲啼泥殺君。

香山避暑二首

六月灘聲如猛雨，香山樓北暢師房。夜溪起凭

詩首續集卷之三十一
闌干立滿耳潺湲滿面涼
紗巾艸履竹疎衣晚下香山路翠微一路涼風
十八里臥乘籃輦睡中歸

贈譚客

土客清譚何疊疊幽人閑思自寥寥請君休說
長安事膝上風清琴正調

初入香山院對月

老住香山初到夜秋逢白月正圓時從今便是
家山月試問清光知不知

病中贈南鄰覓酒

頭痛牙疼三日臥妻看煎藥婢來扶今朝似按
擡頭語先問南鄰有酒無

曉眠後寄楊戶部

軟綾腰褥薄棉被涼冷秋天穩暖身一覺曉眠
殊有味無因寄與早朝人

酬令公雪中見贈訝不與寤得同相訪
雪似鷲毛飛散亂人披鶴氅立徘徊鄰生枚叟
非無興惟待梁王召即來

楊六尚書新授東川節度代妻戲賀兄嫂

二首

劉綱與婦共升僊，弄玉隨夫亦上天。何似沙哥
領崔嫂，碧油幢引向東川。

金花銀碗饒君用，卷畫羅衣盡嫂裁。覓得黔婁
爲妹婿，可能空寄蜀茶來。

因寢得題公垂所寄蠟燭因寄公垂

照梁初日光相似，出水新蓮豔不如。卻寄兩條
君領取，明年雙引入中書。

令公南莊花柳正盛欲偷一賞先寄二詩

最憶樓花千萬朵，偏憐隄柳兩三株。擬提社酒
攜村妓，擅入朱門莫怪無。

可惜亭臺閑度日，欲偷風景暫遊春。只愁花裏
鶯饒舌，飛入宮城報主人。

和裴令公南莊

陶廬僻陋那堪比，謝墅幽閑不足攀。何似嵩峰
三十六，長隨申甫作家山。

宅西有流水，牆下構小樓。臨翫之時頗有

幽趣偶題五首

伊水分來不自由，無人解愛爲誰流。家家拋向
牆根底，惟我栽蓮起小樓。

水色波文何所似，曲成羅帶一條斜。莫言羅帶

春無主自置樓來屬白家

日濺水光搖素壁風飄樹影拂朱欄皆言此

宜絃管試奏霓裳一曲看

霓裳奏罷唱梁州紅袖斜翻翠黛愁應是遙聞

勝近聽行人欲過盡回頭

獨醉還須得歌舞自娛何必要親賓當時一部

清商樂亦不長將樂外人

送盧郎中赴河東裴令公幕

別時暮雨洛橋畔到日涼風汾水波荀令見君

應問我為言秋艸閉門多

戲和寢得答李侍郎詩有文星之句

看題錦繡報瓊瓌俱是人天第一才好遣文星

守躔次亦須防有客星來

戲答思黯

何時得見十三弦待取無雲有月天願得金波

明似鏡鏡中照出月中僊

酬裴令公贈馬相戲

安石風流無柰何欲將赤驥換青娥不辭便送

東山去臨老何人與唱歌

早春持齋

早春持齋

正月晴和風景新紛紛已有醉遊人帝城花笑
長齋客二十年來負早春

謝楊東川寄衣服

年年衰老交遊少處處蕭條書信稀惟有巢兄
不相忘春茶未斷寄秋衣

東城晚歸

一條筇杖懸龜榼雙角吳童控馬銜晚入東城
誰識我短鞵低帽白蕉衫

蘇州故吏

江南故吏別來久今日池邊識我無不獨使君

頭似雪華亭鶴死白蓮枯

得揚湖州書

豈獨愛民兼愛客不惟能飲又能文白蘋洲上
春傳語柳使君輸揚使君

聽歌

管妙弦清歌入雲老人合眼醉醺醺誠知不及
當年聽猶覺聞時勝不聞

西樓獨立

身著白衣頭似雪時時醉立小樓中
路人回顧應相怪十一年來見此翁

早春獨登天宮闕

天宮日暖閣門開，獨上迎春飲一杯。
無限遊人遙怪我，緣何最老最先來。

送蘇州李使君二首

憶拋印綬辭吳郡，衰病當時已有餘。
今日賀君兼自喜，八回看換舊銅魚。
館娃宮淡春日長，烏鵲橋高秋夜涼。
風月不知人世變，奉君直似奉吳王。

長洲曲新詞

茂苑綺羅佳麗地，女湖桃李豔陽時。
心奴已死

胡容老後輩風流，是阿誰

春眠

枕低被暖身安穩，日照房中帳未開。
還有少年春氣味，時時暫到睡中來。

病中五首

世間生老病相隨，此事心中久自知。
今日行年將七十，猶須慙愧病來遲。

方寸成灰鬢作絲，假如強健亦何爲。
家無憂累身無事，正是安閑好病時。

李君墓上松應拱，元相池頭竹盡枯。
多幸樂天

今始病不知合要苦治無
目昏思寢即安眠足軟妨行便坐禪身作鑿王
心是藥不勞和扁到門前
交親不要苦相憂亦擬時時強出遊但有心情
何用脚陸乘肩輿水乘舟

送嵩客

登山臨水分無期泉石煙霞今屬誰君到嵩陽
吟此句與教三十六峯知

賣駱馬

五年花下醉騎行臨賣回頭嘶一聲項籍顧騅

猶解歎樂天別駱豈無情

別柳枝

兩枝楊柳小樓中嫋娜多年伴醉翁明日放歸
歸去後世間應不要春風

歲暮呈思黯相公皇甫朗之及寢得尚書
歲暮皤然一老夫十分流輩九分無莫嫌身病
人扶持猶勝無身可遣扶

感蘇州舊舫

畫梁朽折紅窗破獨立池邊盡日看守得蘇州
船舫爛此身爭合不衰殘

戲禮經老僧

香火一鑪燈一盞白頭夜禮佛名經何年飲著
聲聞酒直到如今醉未醒

前有別柳枝詩寢得繼和云春盡絮飛留
不得隨風好去落誰家又復戲答

柳老春淡日又斜任他飛向別人家誰能更學
孩童戲尋逐春風捉柳花

五年秋病後獨宿香山寺三首

經年不到龍門寺今夜何人知我情還向暢師
房裏宿新秋月色舊灘聲

飲徒歌伴今何在南散雲飛盡不回從此香山
風月夜祇應長是一身來

石盆泉畔石樓頭十二年來晝夜遊更過今年
年七十假如無病亦宜休

題香山新經堂招僧

煙滿秋堂月滿庭香花漠漠磬泠泠誰能來此
尋真諦白老新開一藏經

早入皇城贈王留守僕射

津橋殘月曉沈沈風露淒清禁署淡城柳宮槐
漫搖落悲愁不到貴人心

類苑

山下留別佛光和尚

勞師送我下山行。此別何人識此情。我已七旬師九十。當知後會在他生。類苑闕

嶺上雲

嶺上白雲朝未散。田中青麥旱將枯。自生自滅成何事。能逐東風作雨無。類苑闕

石上苔

漠漠斑斑石上苔。幽芳靜綠絕纖埃。路傍凡艸榮遭遇。曾得七香車輦來。

林下樗

香檀文桂苦雕鑿。生理何曾得自全。知有無材老樗否。一枝不損盡天年。

澗中魚

海水桑田欲變時。風濤翻覆沸天池。鯨吞蛟鬪波成血。澗澗遊魚樂不知。

洞中蝙蝠

千年鼠化白蝙蝠。黑洞深藏避網羅。遠害全身誠得計。一生幽暗又如何。

自戲三首 心問身

心問身云何。泰然巖冬暖。被日高眠放。君快活。

知恩否不早朝來十一年

身報心

心是身王身是宮君今居在我宮中是君家舍
君須愛何事論恩自說功

心重答身

因我疎慵休罷早遺君安樂歲時多世間老苦
人何限不放君閑奈我何

病後喜過劉家

忽憶前年初病後此生甘分不銜杯誰能料得

春事又向劉家飲酒來

類苑

劉家飲酒來

外間公事不暇
朝天子
一年

身輕

心身才于身是官君令屈在我官中長在亦亦在
看新變何事論思自說功

心重身身

因器成用而能成道亦家乘歲時多世間無苦
人何能不以苦用而身亦得

物神在神則在
此在并分不街即神龍計得

素不中又同顯美飲福華

